

CIVITATVM
 PRÆCIPVARVM
 TOTIVS ORBIS
 PARS SECUNDA.

NATOLIÆ BELERBATVS.

Algirum, ciuitas olim celebris ob templum Dianæ. Algirum.

Chalcedon, hodie Scutari, antiquitus frequentata ab Imperatoribus Græcis. Chalcedon.

Spiga, olim Zizigum, celebris in signi Echo, vbi Poetæ fingebant Nympham conuersam in saxum. Spiga.

Troia, huius reliquæ aut potius vestigia ab incolis ostenduntur. Hæc præ omnibus aliis à Poetis fuit celebrata. Nec vlla celebris ferè reperitur ciuitas in Europa, quæ nobilitatis ergò originem suam non deducat à Troia, tanquam si ab ea orta esset omnis gloria vniuersi mundi. Troia.

Smirna, ciuitas mercaturâ celebris: hæc licet à Barbaris sit habitata, tamen gloriatur de Homero tanquam suo, cuius etiam sepulchrum cum Epitaphio Græcis literis descripto ostendunt. Ciuitas magni momenti. Hic residet Sangiacus quidam. Smirna.

Siuriasser, Sangiacum habet. Siuriasser

Figena, olim Ephesus, extructa ab Epheso, vna ab Amazonibus, celebris templo Dianæ, in cuius ædificatione Figena.

laborauit tota Græcia 30. annis. Huic templo ob excellentiã Xerxes Rex pepercit, licet inimicus esset omnis religionis. Combustũ tandẽ ab Crisistrato nominis propagandi gratia. Hic refugium erat insigne delinquentium, auctũ postea ab Alexandro Magno, ablatum verò ab Augusto. Celebris philosopho Heraclio, Parmenide, Democrito, Pythagora, qui in hac ciuitate Philosophiam docuerunt.

Palatia.

Palatia, ciuitas vna ex maximis Natoliæ.

Melissus,
antiquis
Miletus.

Melissus, antiquis *Miletus*, olim celebris atq; ex præstantissimis Asiæ, quæ cum citò præstantiã amitteret, præbuit occasionẽ prouerbi huius: *Fuerunt strenui olim Milesi*. Hic celebre fuit erectum templũ Deæ Cereri. Hinc oriundus Thales Astrologus, Timotheus Musicus, Anaximander Physicus, qui primi Philosophiã à Barbaris transtulerunt in Ioniam. Hic lana est præstantissima, ex qua tapetes omnes per Italiã, Poloniam, &c. celebrari solent, parantur.

Cacauius
antiquis
Alicarnassus.

Cacauius, antiquis *Alicarnassus*, celebris olim propter sepulchrum Reginae Artemisiæ, in honorem mariti Mansoli; cuius adhuc supersunt aliqua reliquia. Patria est Herodoti Historiographi celeberrimi.

Tabia.

Tabia, hic panni eius, qui vocari solet *Tabi*, magna conficitur copia. *Gnidus*; hic celebre fuit Deæ Veneris templũ.

Gnidus.

Fiscum.

Fiscum, optimum habet portum, metropolis Brichia, antiquitus dictæ Litiæ.

Pergamũ.

Pergamum, hic Rex Attalus regnauit, qui primus dicitur Romanis præbuisse vsũ scribendi in membrana, cũ antea scriberent in corticibus arborum, & tabulis cereis. Hinc quoq; oriundus Galenus Medicus celeberrimus.

Nicea.

Nicea; Hic Turcæ disiecti sunt à Godefrido Bolionæo.

cũm

cum ad Terram Sanctam recuperandam contenderet. Hic quoque concilium fuit celebratum contra Arrium.

Beazar, hic fontes scaturiunt salissimi.

Angori; hic pannus, vocatus *Zammelot*, conficitur præstantior, quam in vllis aliis locis Orientalibus.

Magresia, hic residet Sangiacus.

Cutea, olim *Iuliopolis*, caput Galatiæ. Hic residet Belerbeus Natoliæ, ad quem Turcarum Imperator mittit filios ad militarem artem exercendam.

Bursia, ciuitas, vicina monti Olympo, Metropolis Bytiniæ. Extructa ab Annibale ibi extante. Hic Turcæ primum constituerunt sceptrum sui imperii. Hic panni conficitur magna copia. Optima hic extructa Muschea in honorem Ottomanni I. Turcarum Imperatoris.

Sinope, hic à Turcis maxima emitur æris copia, claraque est ob Mitridatem, qui 22. norat linguas.

Trapezuntium, hodie regitur à Sangiaco, olim princeps huius loci vsus est titulo Imperatoris.

Amasia, hic residet Belerbus huius regionis: olim præerat Metropolitanus quidam, vtraque potestatem habens ecclesiasticam & secularem.

Tascia, celebris ob victoriam, quam contra Techellum Persam obtinuit Iunus Bascià.

Toccatum }
Suuas } ciuitates insignes sunt, quarum
Ianicum } singulis præest Sangiacus.
Chormurs }

Beazar.
Angori.

Magresia.
Cutea.

Bursia.

Sinope.

Trapezuntium.

Amasia.

Tascia.

Toccatum
Suuas
Ianicum
Chormurs

CARAMANIÆ BELERBATVS.

Satalia.

Satalia, ciuitas valdè illustris, intra sinum Attalicum. Hic residet Sangiacus, conficiunturq; tapetes excellentes.

Satalia antiqua.

Satalia antiqua, iuxta præcedentem reperitur, magna ex parte vndis submersa.

Candelona.

Candelona, ab aliis Scandaloro; hîc ante aliquot annos residebat Princeps Turcicus, ab Ottomanicis eiectus.

Curcum.

Curcum, fortalitium est è regione Famagustæ.

Iazza.

Iazza. Hîc residet Patriarcha Armænorum.

Cognum.

Cognum, olim *Iconium*, metropolis Licaoniæ. Hic residet Belerbus huius regionis, conficiunturq; tapetes ex lana tam excellentes, vt ex serico factæ videantur.

Laranda.

Laranda, ciuitas satis illustris, in qua antequam ab Ottomanno destrueretur, residebat Princeps Caramaniæ. Sita est in monte Cortestani. Valdè munita.

Tarsus.

Tarsus, hîc olim flourerunt studia: hanc quoq; ciuitatem ornauit D. Paulus Apostolus.

Anchiola.

Anchiola; hîc sepulchrum fuit Sardanapali vltimi Regis Assyriorum, cum Epitaphio, *Ede, bibe, lude, post mortem nulla voluptas*: hodie reliquiæ ciuitatis tantum supersunt.

Tiana.

Tiana, huius etiam tantum videntur reliquiæ: hîc natus est Apollonius Tianaus Philosophus & Magus.

ANADAVLIÆ BELERBATVS.

Maras.

Maras, olim *Moetica*. Hîc residet Belerbus huius regionis.

Adana.

Adana, hîc sedem habet Sangiacus.

CYPRVS IN SVLA.

Pappus.

Pappus, hîc olim adorabatur Venus in forma vmbilici,

lici, atq; circumcirca non pluebat: quod Diabolicis illusionibus ascribendum est.

Famangusta, ciuitas magni momenti, portum habet optimum: Nec alius in tota insula est præter hunc. Antiquitus dicta fuit *Salamina*. Hæc semper restitit per mare & per terras, viribus Turcarum, tandem ob defectummunitionis coacta fuit sese tradere Mostafa eorū generali, qui cōtra pacta insignē in hac ciuitate exercuit tyrannidem.

Famangusta.

Nicosia, in mediterraneo loco sita: antequam à Turcis vastaretur, ciuitas fuit valdè illustris, & plena equitibus.

Nicosia.

SYRIA hodiè SORIA.

Soldina, olim *Seleucia Pieria*, non longè sita à fluuio *Farfaro*, dicto *Oronte*.

Soldina.

Tripolis; hîc residet Patriarcha Maronitarum: Emporium insigne, ad quod omnes merces deferuntur ex Oriente, regitur à suo *Sangiaco*.

Tripolis.

Barutti, ciuitas magnæ negociationis, hîc tempore Imperatorum Christianorum, floruit studium LL. Romanorum. Hic quoq; S. Georgius interfecit Draconem.

Barutti.

Sidon, celebris ciuitas apud antiquos, ob vitri artificium: Hic Saluator mundi sanauit filiam Cananæ.

Sidon.

Sor, olim *Tyrus*, antiquitus valdè celebris, inexpugnabilis penè erat, vt expertus est Alexander Magnus: Hic quoque tingebatur purpuræ ingens quantitas. Fuit Romanis fidelissima, vnde meruit à Seuero Imperatore priuilegium libertatis, instar ciuitatum Italiae.

Sor, olim Tyrus.

Acris olim *Ptolomais* hic propter templum S. Sabbæ orta est lis inter Venetos & Geneuēses, quæ causa fuit, vt Mahumetani in hisce regionibus dominatum acquirerent.

Acris.

Tachia.

Tachia, olim *Antiochia*, à Rege Antiocho, qui ciuitatem hanc post mortem Alexandri Magni restaurauit, cùm antea vocaretur *Reblata*. Hic olim viguerunt studia Græca & Syriaca: Fuitq; ciuitas vna ex maximis totius mundi. Hic S. Petrus primùm sedem fixit. Hic quoque primum concilium celebratum. Hic resident Patriarchæ duo, quibus obediunt multi Christiani Asiatici.

Aleppum.

Aleppum, emporium excellens, ad quod omnes merces deferuntur, quæ Damascũ aduehi solebant: alluitur ramo vno fluminis Euphratis, quem eò adduxit quidam ex Sultanis eorum. Hodie hic residet Bascia quidam.

Sardinalis.

Sardinalis, à Christianis solis colitur. Hic cum magna deuotione inuisitur imago B. Virginis, nō tantum à Christianis, sed etiam à Mauris; quia cùm exudet continuo liquor, is effectus producit admirabiles.

Damascus.

Damascus, metropolis Syriæ, pulcherrima totius Orientis, antiquissima, hortis pulcherrimis cincta. Hic residet hodie Belerbus, qui & huic regioni præest vnà cū Iudæa: antea regebatur à Calisis, atq; olim à Regibus Syriæ.

PALESTINA siue TERRA

SANCTA.

Cesarea.

Cesarea; hic Angelus percussit Regem Herodem, & S. Petrus baptizauit Cornelium centurionem.

Zapphus.

Zapphus, olim Ioppe portum habet insignem, ad quem appellant peregrini, qui ex nostris regionibus proficiscuntur in Terram Sanctam. Hanc ciuitatem existimauerunt nonnulli antiquorum fuisse primam totius mundi, sed falso. Hic olim adorabatur Dea Atargatæ in forma piscis, ideoque antiqui Syri non vescebantur piscibus. Hic etiã

Andro-

Andromeda filia exposita fuisse traditur Orco marino, licet alii putent id factum fuisse in Æthiopia.

Ascalon; hic Sampson plurimos occidit homines.

Gazara, restaurata est ab antiquis Persis. Hic Sampson noctu portas ciuitatis abstulit.

Sebaste, caput Samariæ: hic propè ciuitatem peregrinis ostenditur puteus Iacob, ubi Saluator noster Samaritanam allocutus est.

Neapolis, Hic concilium celeberrimum fuit tempore Regis Balduini.

Arcas, Hic fluuius Sabbatarius magnâ furiâ & strepitu aduexit 6. diebus continuis lapides, quiescens solummodò in Sabbato: qui cursus post Euangelium cessauit.

Safet, ciuitas magnæ negociationis, à Iudæis habitata, qui ibi inceperunt optimos pannos conficere ex lana, quâ abundat hæc Regio. Nituntur quoque vsum antiquæ purpuræ, quæ tingebatur Tyri, inuenire.

Tabaria, olim *Tyberias*, ad lacum, ubi Christus Diuinitatem suam ostendit, ventis imperans. Hæc ciuitas à Se-
lim II. data est matronæ cuidam Iudææ, dictæ Gratiola, ad in-
habitationem Iudæorum, ex locis diuersis.

Naim; hic à mortuis resuscitauit Saluator noster filium viduæ.

Seforum, hinc originem traxit S. Anna.

Betsaida; hic Saluator mundi maximam multitudinem hominum pauculis panibus saturauit.

Candelara, hic erumpunt optimæ thermæ.

Cafarnaum; hic plurima miracula fecit Saluator noster.

Ascalon.

Gazara.

Sebaste.

Neapolis.

Arcas.

Safet.

Tabaria,
olim *Ty-*
berias.

Naim.

Seforum.

Betsaida.

Candelara

Cafar-
naum.

Ebron.

Ebron; hic antiqui patres elegerunt locum sepulturæ; narratq; Biniamin, visitari ibi à Iudæis & Mahumetanis sepulchrum Abrahami, supra quod nocte & die ardet laps. Circa hanc ciuitatem Cain occidit fratrem suum Abel, vnde adhuc terra ipsa rubedinem seruat.

Hiericon.

Hiericon, huius muri ceciderunt ad sonum tubæ Iosua. Antiquis ciuitas fuit celebris ob pretiosissimum liquorem Balsamum.

Betulia.

Betulia, hic Iuditha occidit Holofernem.

Nazareth.

Nazareth, hic B. Virgo salutata ab Angelo, concepit verbum æternū IESVM CHRISTVM, Saluatorem mundi.

Rama.

Rama, hic maxima crudelitate occisi sunt pueri innocentes.

Bethlehē.

Bethlehem, hic natus est Saluator mundi IESVS CHRISTVS æterni Dei filius, verus Deus & homo.

Betania.

Betania, hic Lazarus quadrituanus à Saluatore nostro à mortuis resuscitatus.

*Nicopolis
olim E-
maus.*

Nicopolis, olim *Emaus*, vt volunt nonnulli, hic apparuit Christus in forma peregrini duobus discipulis.

*Hierusalem.**Hierusalē*

Hierusalem, hodiè à Turcis vocatur *Gozum Berech*; Extracta putatur hæc ciuitas à Melchisedech. Celebris fuit olim ob Prophetas, Reges antiquos, Templū Salomonis, miracula plurima, quæ Deus ibi ostēdit. Hodiè hic visitur sepulchrum sanctum, in quo Saluator mundi sepultus fuit. Huc præter Hebræos & Mahumetanos Templū Salomonis aut potius Muscheam cuiusdam Califæ visitantes, cōcurrunt omnis generis Christiani, vti Latini, Græci,



HIERUSALEM.

Qq 3

Arme.

Armeni, Gregoriani, Nestoriani, Iacobitæ, Syri, Indi, Nubici & Abassini, quorum singuli suas hic habent capellas sumptuosè extructas, viuunt autem Christiani sub tributo, quod Turcis pendunt quàm maximum singulis annis. Hic quoq; singulis annis in hebdomada Sancta magnum illud cernitur miraculum noui luminis, dū lampades, quæ ardebant, extinguntur. Nam hora resurrectionis Christi iterum omnes accenduntur, in facellis Christianorum. Varia nomina habuit hæc ciuitas, inter quæ *Luza, Iebus, Salem, Hierusalem, Aelia*, ruinã passa ab Assyriis, Ægyptiis, Chaldæis, Macedonibus, Romanis, Persis & Saracenis, à quibus cùm vltimò recuperata esset opera Godefridi Bulhonæi, constitutaq; caput regni; postea capta fuit à Saladino Sultano Cayri, demum operâ Selini I. venit ad imperium Turcarum, non sine ignominia Principum Christianorum.

CHALDÆA.

Cusa.

Cusa, à Mahumetis dicitur *Mossalle*. Hic festiuitatem Mahumeti celebrant, non legislatoris, sed alterius, quem vocant Mohalim, hoc est, consolatorem, cui offerunt quotannis vnum equum ornatum auro & gemmis, tantâ pompâ, vt maiorem videre non sit in toto orbe, credentem eum prophetam, atq; adhuc viuentem.

Horco.

Horco, antea *Hur*, hic dicitur Abrahamus nolens adorare ignem, proiectus in ardentem fornacem, vnde illæsus per diuinum miraculum egressus est.

*Bagaded vel Babylonæ.**Bagaded.*

Bagaded, reliquæ sunt antiquæ Babylonæ, quæ Turcæ

vocat

vocant *Satyroi*; Hic turris illa excelsa a Memtor ædificari cœpta, confusio linguarum orta. Horti quoq; pensiles à Semirami extructi. Adeo autem fuit diues hæc ciuitas, vt Rex Persarum, postquam à Cyro subacta fuit, tantum ex



hac sola ciuitate reciperet, quãti valebat tertia pars redituum ipsius regni. Hic olim floruit Philosophia & Astrologia. Superata & capta fuit ab Alexandro Magno, postea venit ad Parthos, hinc destructa à Persis, deinde 18. auri millionibus restaurata à Bugiafar Califa, inde expugnata ab Allao Tartaro, qui & ibi occidit Mustacem Monbilam vltimum Califam. Hodie hic residet quidã Bascia ex parte Turcarum, sed cum iurisdictione alterius cuiusdã, qui sibi etiam arrogat titulum Califæ.

DIARBECCÆ BELERBATVS SIVE
MESOPOTAMIA.

Caramit, ciuitas magni momenti, olim habuit muros *Caramit*.

ex nigro

ex nigro lapide constructos, vnde & illi nomen; postea vero restaurati sunt à Solimanno lapidibus albis. Hæc ciuitas est valdè populosa, habitataq; à Christianis Græcis, Armenis, Nestorianis, Iacobitis, retinentque adhuc cāpanas in tēplis, quibus vsi fuerunt à temporibus Balduini.

Madrin.

Madrin, ciuitas magna, circuitum habens 4. milliarium, hodie subest suo Sangiacco, residetq; hic Patriarcha Chaldæorū, qui ante à resedit Antiochiæ, cui subsunt prælati quàm plurimi. Hi celebrant missam lingua Chaldæa, & in pane azymo aliquibus tantum ceremoniis à Romana differentem. Hi non negant primatum pontificis Romani, sed quia subsunt infidelibus, tantumq; à nobis distant, ideò ei obedire nō possunt. Hic quoque non ratò residet Patriarcha Græciæ, qui etiam Damascū migrat sæpè, cui cum multis Episcopis obedit Metropolita Georgianorū.

Asencefa.

Asencefa, ad ripam Tigri fluiui, hic residet Bolerbus, qui etiam sæpè migrat Caramit. Pontem habet valdè altum, ita vt quantuscunque sit vir is, qui in imo pontis sit, appareat iis, qui in suprema pontis parte versantur, instar pygmaei.

Nisibin.

Nisibin, forsan *Niniue*. Hic Ionas prædicauit destructionem ciuitatis. Antiquis longa scribitur fuisse dierum itinere. Iam castellum est exiguum.

Orfa.

Orfa, ciuitas illustris, cum suo Sangiacco, vocata fuit *Carre*. Huc fugit Abraham fugiens ex Hur. Hic quoq; obiit M. Crassus, dum contra Parthos pugnaret. Hic Mauri extruxerunt Muscheam valdè pulchram, sub nomine Patriarchæ Abrahami. Prope hanc ciuitatem oritur fons, quæ Mahumetani vbique vocant aquam Abrahami, quia ab

Orien-

Orientalibus dicitur omnes, qui cum deuotione cum ingrediuntur, curare à febre: prætereà & puteus ibi esse scribitur, qui à lepra curat eos, qui in die quinquies sese aqua eius lauerint.

Rochais, antiquitus *Edeſſa*, hîc olim regnauit Zeno-
bia Regina.

Rochais.

Sumiſcaſach, admirabile & totius Orientis fortiffimum
habet caſtrum.

*Sumiſca-
ſach.*

ARMENIA MAIOR ſiue TVRCO-

MANIA.

Eſſechia, antiquis dicta *Artajata*, olim Metropolis.

Eſſechia.

Van, antea ciuitas ampla, poſtea à Tartaris deſtructa,
poſtea ab iisdem ſuis inhabitata, deinde tributaria extitit
Perſis: hodiè Turcis ſub eſt, vbi etiam inſigne eſt cõtra Per-
ſas præſidium Turcarum, reſidet que hîc Belerbus. Sita eſt
prope paludem Martianam, in qua tempore Quadrageſi-
mæ magna eſt copia piſcis Tarichii, qui ſiccatus ad diuer-
ſas Oriētis partes defertur; cùm reliqua parte anni nullus
planè ibi reperiatur: quod cõſideratione non caret.

Van.

Arminig, metropolis Armeniæ, habitata omninò à
Chriſtianis.

Arminig.

ASSYRIA ſiue ARZIRI BELER-

BATVS.

Serta, ad ripam fluuii Tigris ſita eſt.

Serta.

Arzerum, metropolis eſt Aſſyriæ: hîc reſidet Belerbus
huius regionis, cui continuacertario cum Perſarum Rege.

Arzerum

Arbella, hîc Darius victus fuit ab Alexandro Magno.

Arbella.

Mofal, ad oram fluuii Tigris: Hîc reſidet Patriarcha
Neforianorum, qui magnum habet dominium in India

Mofal.

& Catalo, creatque ibi duos Metropolitanos aut Patriarchas cum pluribus Episcopis.

SERVIA siue MEDIA.

Bacca.

Bacca, ciuitas maritima, vnde nomen Mari Caspio, magnæ negociationis: huc plurimæ naues appellunt ex Media.

Seruan.

Seruan, ciuitas insignis, in qua magna conficitur serici copia, quæ deinde per Rusciam dispergitur, & Orientem ferè vniuersum.

Sumachia

Sumachia, ciuitas valdè celebris, metropolis Sumachia, quæ antea habuit suum Principem peculiarem.

Soltania.

Soltania, antea *Trigrinocreta*; hinc pulcherrimum est Mahumetanorum templum (solent autem templa sua Moscheas appellare) vnde propter eius mirum ornatum non fuit à Tamurlano vastatum.

Arduin.

Arduin, patria Ismaëlis Sophi.

Tabris.

Tabris, corruptè dicitur *Tauris*, extructa ab Arsafat, in Oronte monte, postea à Seleuco restaurata. Metropolis est Imperii Persarum. Olim vocata est *Echatana*. Hinc excellentissimi sunt omnium rerum artifices, vnde Solimanus, cum eam cepisset, bonam partem duxit Constantinopolim. Hinc palatium est Astibisti admirabile extructum à Rege Assambeo ad similitudinem antiquæ aulae Cyri. In hac depicta sunt plurima gesta Regum Persiæ. Hæc enim gens à picturis non abstinet, vnde etiam hic viget Mathematicæ disciplinæ. Hinc Rex Persarum Sophi dictus sedem suam figit.

Merent.

Merent, ciuitas ampla, antequam à Tartaris esset vastata.

Arcadenò.

Arcadenò; huius incolæ magna ex parte sunt Armeni, & Christiani catholici.

Cuerche, hîc fons est, qui lepram curare dicitur.

Cuerche.

Straua, celebris ciuitas ob mercatorum copiam ex oriente concurrentium, tam Mahumetanorû, quàm Christianorum ex Moschouia, distrahiturq; hinc magna copia Serici per Tartariam & Russiam; prætereà & hic orizæ magna colligitur copia.

Straua.

Nirmedon, ad fauces fluuii Tensi.

Nirmedon.

Corazzan, minor antea *Hircana*, hîc antea proprius Rex sedem habuit, qui à Sabba Tartarorum Imperatore disiectus mouet bellum Regi Persarû, a quo victus capite truncatus est.

Corazzan.

GEORGIANO REGIO.

Tiflis, ciuitas non valdè remota à flumine Arais, qui nauigabilis est, exoneraturq; in mare Bacû.

Tiflis.

Bascapan, hîc solet residere Princeps, qui antea Persæ, nunc verò Turcæ est tributarius.

Bascapan

MENGRERIA siue COLCVS.

Aluati, ciuitas antea magnæ negociationis.

Aluati.

Fassum, ad fauces fluuii Fasi, celebris apud Poëtas per nauigationem Iasonis, aureumq; vellus.

Fassum.

CIRCASSIA.

Coppa, antea *Rombite*, in hanc ciuitatem copia deferri solet mancipiorum venalium.

Coppa.

Cromuchum, in mediterraneo loco situm est.

Cromuchum.

ALBANIA siue ZVRIA.

Schamacha, hîc serici conficitur magna copia.

Schamacha.

Derbent, olim *Alexandria*, iacet ad portas Canceas, quas alii non rectè vocauerunt Caspias.

Derbent.
olim *Alexandria.*

ARABIA PETREA.

Cathari-
nae mona-
sterium.

Catharinae monasterium in monte S. Synai, in hoc monachi sunt S. Basilii, qui singulis annis cum maxima deuotione celebrant festum Gloriosae virginis Catharinae, ardentque continuo tredecim lampades ante altare. Hic corpus quiescit huius virginis.

Arach.

Arach, antea dicta *Petra*: hic adhuc aliqua supersunt reliquiae Christianorum à cingulo denominatorum.

Herorum.

Herorum, ciuitas olim magnae negociationis, dum floretet Aegyptus, celebris vniuerso mundo, cum vndique ex Oriente eò veherentur merces: sita est ad strictum Sues dictum.

ARABIA FOELIX.

Imbum.

Imbum, ciuitas magnae negociationis, in qua exonerantur omnes merces, quae Mecham vehuntur, tam ex Occidente, quam ex Oriente.

Medina.

Medina, à Mauris dicta *Talnabi*, quasi *Prophetae ciuitas*, celebris apud Mahometanos, ratione fugae & sepulchri Mahometis. Est autem Mahometis sepulchrum non in aëre suspensum (vt vulgo fabulantur) sed in terris catenis vinctum, ne forsan rapiatur ab aliquo. Non est autem in Mecha, vt communiter dicunt, Mahometi sepulchrum.

Danchali.

Danchali, prope hanc ciuitatem est mare arenosum siue fabulosum, iuxta quod proficiscētes mercatores vtuntur pixide nautica, tanquam si per mare periculosum proficiscuntur. Et reuera patiuntur pericula plurima, debentque supra camelos certis cistellis inclusi vehi, in quibus existētes aërem hauriunt per foraminula. Quod si ventos habeant aduersos, submerguntur omnes homines arena.

Mecha,

Mecha, ciuitas illustris, magnæq; negociationis, templum & turrim habet Abrahamo attributum. Hic aqua est Abezzazon, quam sanctam existimant, quia ex ea bibit Agar. Hanc ciuitatem sanctam existimant Mahometani, id eoque à nullis nisi Mahometanis eam videre licet. Itaque Christianis aliisque cuiusque religionis hominibus, etiam totam Orientem peragrandi potestatem habentibus hanc ciuitatem ingredi est capitale. Lapis quoque hic ostenditur ab eorum Sarronibus, in quo dicitur Agar sedisse: atque ab hoc fingunt lapide Mahometem volasse in Paradisum, ideoque à multis peregrinis Mahometanis hæc visitur ciuitas.

Mecha.

Sana, ciuitas non vulgaris est.

SANA.

Damarcana ciuitas, ærem habet optimum, est ex pulcherrimis Arabiae.

*Damar-
cana.*

Zibitta, Regem habet proprium, qui hodiè tributarius est Turcæ.

Zibitta.

Adem, ciuitas, principem habuit proprium, qui per fraudem occisus est operâ Solimanni Belerbi Cairensis, qui ciuitatem occuparat, cum antea esset Lusitanorum: hodiè subest Motoar Regi de Hieman, qui eam cepit à Selim II. Hæc ciuitas clauis est huius Orientis, magnaque in ea mercatura aromatum & Zibetti.

Adem.

Fartasum, regem habet proprium.

Fartacū.

Calaiate, in regno Motoar, huc mercatores maximam ducunt quotannis multitudinem pro India.

Calaiate.

Gubelchama, hic residet Rex.

*Gubelcha
ma.*

Amansifilirina, proprium habet regem.

*Amansifi-
lirina.*

Alibinali, metropolis suæ regionis.

Alibinali.

Moffa, ciuitas regia est.

Moffa.

Lazzach.

Lazzach, hîc magna negociatio equorum, & aquæ rosaceæ, quæ vehuntur in India.

ARABIA DESERTA.

Bassora.

Bassora, antea Regem habuit, Lusitanis tamen subiectum; iam præsidium hîc habet Turca, cum aliquot triremibus: quæ aliquando ad Ormus vsq; excurrunt.

CVSSESTAN, REGNV M CVSÆ,
olim Susiana.*Saura.*

Saura, sita ad sinum Cenosum.

Susa.

Susa, hîc olim hyberno tempore resederunt Reges Persiæ.

Cusa.

Cusa, hinc nomen regno impositum.

PERSIA.

Siras.

Siras, antea Persepolis: Metropolis tam olim quam hoc tempore ipsius Persiæ; Hic residebat Persiæ Princeps, quem Græci citra aliud adiunctum vocabant excellentiæ gratiâ τὸν βασιλέα. Hanc ciuitatem Alexander Magnus incendio destruxit; postea verò cum eū facti pœnituisset, iterum eam secundum formam pristinam restaurauit. Maxima est omnium ciuitatum, quas hodiè Mahometani in oriente possident: licet non tam sit vasta & ampla, quam fuit olim, quando Persæ statuunt eam maiorem Cayro: Hic arma militaria conficiuntur optima totius vniuersi, cum chalybem temperent certarum herbarum succis excellentissimè. Huc etiam appellit conductus carrorum ex Samarcandia vehentium Sericum, Muscum, Rhabarbarum. Mulieres hîc sunt pulcherrimæ & delicatissimæ, maximeq; pomposæ: ideoque Persæ affirmant Mahumetem

huc

huc nunquam venire voluisse, timens, se ad infernum de-
scensurum, quod sciret, se à mulieribus abstinere nō posse.

Chiminar; hic reperiuntur picturæ excellentissimæ,
quæ videntur esse veteris testamenti.

Chiminar

Saua, metropolis suæ regionis.

Saua.

Beschent, supra montem altissimum; hic veluti in ciui-
tate Siracensi conficiuntur optima arma, & hinc adfertur
certum genus ferri, quo argentum & aurum trahitur.

Beschent.

Lara, suum habuit Melich, qui titulus est respondens
ferè apud nos Marchioni. Licet hoc tempore proprium
dicatur habere Regem.

Lara.

CHIRMAIN siue CARMANIA.

Ormuz, in insula eiusdem nominis, antiquo idioma-
te Persico significat Dactylum. Hic solebat negociatio esse
quæ maxima ex Cina, ita vt inde aliquando XL. naues onustæ
aromatib⁹ siue specieb⁹ medicamentisq; veheretur. Qui Ci-
nenses tunc temporis negociationem habebant totius O-
rientis; Neq; tamen hodiè hæc ciuitas, quando Lusitaniæ
Regi subiecta est, omninò ab antiqua negociatione defe-
cit: Cùm Corazzones ex Cataio vehant huc Rhabarba-
rum & Muscum: Assyri hodiè Azemi dicti, pannos serice-
os quàm plurimos. Eracenses & Mauri omnia aromata &
Drogas ex India. Lusitani demum Coralli & panni scarla-
ti copiam magnam. Hinc dicunt Mahumetani, si mundus
esset annulus, tunc Ormum fore eius gemmam. Hic resi-
det Dux belli, qui sinum Ormucensem tutatur ex parte
Regis Lusitaniæ: Licet & ibi proprius sit Rex.

Ormuz.

Chirmain:

Chirmain

Chirmain: Hic maximi totius orbis confic iunturpanni aurei & argentei. Praeterea dicti Scimitarre, quas Turcae vocant Chirminas, apud Orientales in tanta aestimatione, ut eos ad pondus auri vendant. Olim dicta haec ciuitas est Carmania: Principem habet potentem, sed subiectum Persae.

Gadel.

Gadel, vna ex praecipuis ciuitatibus huius tractus, magnae negociationis, cum omnes merces orientales hinc deferantur in Persiam.

Macran.

Macran, Regem habet, sed Persae subiectum.

Cobinam.

Cobinam, hic optima conficiuntur specula.

ERACH siue PARTHIA.

Iesdi.

Iesdi, hic magna conficitur Serici copia, ita ut toti fere Orienti subministret illud. Imo affirmatur a quibusdam mercatoribus nullam transire diem totius anni, quonon elaborentur plures quam librae serici mille: Hinc Angli deferunt copiam magnam serici albi, quod praesua tenuitate non potest alteri generi panni seruire, quam aureo & velis.

Hispaam.

Hispaam, antea *Hircatompile*, ciuitas principalis. Olim Regia fuit ciuitas, celebris ob plurimas portas. Huc concurrunt plurimi mercatores Drogas & aromata deferentes ex India. Ciuitas haec muros habet ex Creta, non valde fortes, ideoque resistere bombardis (quorum usus ibi incipit) nequientes.

Gnerde.

Gnerde, incolae gloriantur, se originem habere ab Abrahamo Patriarcha.

IESSEL siue MARGIANA.

Saras.

Saras, ciuitas magnae negociationis, sita ad latus fluminis Eufhratis.

Indion,

Indion, olim Alexandria Margiana, ciuitas pulcherrima. Huc misit Herodes Rex Parthorum Romanos quos captiuos cepit, quum M. Crassum bello superauit. Hodiè hic viget mercatura, ita vt sit ex celeberrimis huius tractus. Hic valdè colitur & potitur lingua Arabica, qua vnà cum Chorazzanis mirè delectantur Iesselenses: licet ipsi idioma habeant peculiare.

Indion.

Mirum, vicinum paludi Ossianæ; hic Ismael Sophi contra Sabam Chan Regem Tartarorum insigni potitus est victoria; profligans eum cum toto exercitu.

Marum.

CHORAZZAN olim BACTRA.

Chorazzan, ad fluuium Mesoram, diuersa ab ea, cuius suprâ meminimus. Dicta à populis Charazzanensibus, qui venientes ex Scythiæ regione dicta Chorazan Indiæ vicina, ante Tartaros subiugarunt magnam Asiæ partem: postea verò à Tartaris fuerunt deuicti & superati. Hæc magnam passa est ruinam à Sultano de Bagaded, postea restaurata. Proximis annis elapsis iterum magnam cladem passa est ab ipso Sophi.

*Choraz-
Zan.*

Istigias, antea Carispa, hæc pulchritudine propter concursum variorum mercatorum & situm amplissimum, vincit omnes reliquas huius partis Orientalis ciuitates.

Istigias.

Budasan, olim Bactra, ciuitas celeberrima, in Oriente. Mulieres hic pulcherrimæ deditæ pompæ & ornamentis.

Budasan.

ERIA.

Eri, Persis dicitur Sargulzar, hoc est, ciuitas rosarum, quarum hic ingens copia colligitur. Metropolis est regionis. Hic vili permutatione venditur Rhabarbarum, Muscus & radix Chinæ. Huc singulis annis appellit cōductus.

Eri.

carrorum tum Anglicanus tum Cataiacensis. Hic residet
Satrapa ex parte Sophi.

SIGESTAN antea DRANGIANA.

Sistan.

Sistan, ciuitas insignis, olim dicta Proplasia. Hic resi-
det Satrapa ex parte Sophi.

Sige.

Sige, Metropolis antea adeo populosa & magna, ut
huic regno mutauerit nomen antiquum in Sigestan.

Mulet.

Mulet, ciuitas fatis nota, ob scelus ipsius Alahodim
cum suis affeclis, qui omnem voluptatem promittebant
in hoc mundo, & paradisum in sequenti.

Timocain

Timocain, ciuitas celebris ob pulchritudinem foemi-
narum, nec non ob fabulam arborum Solis, iuxta quas
Persae olim petebant responsa oraculorum.

REGNUM CABVL olim ARA-

CHOSIA.

Sim.

Cabul.

Sim, ciuitas valde magna, metropolis cuiusdam districtus.
Cabul, metropolis regni, olim dicta Alexandria Ara-
chosia, magnae negociationis, atque quantitate Cayro aequa-
lis. Hic fructus crescunt Cabul dicti, qui plurimos curant
morbos, etiam alioqui incurabiles, quos extra regionem
deferre capitale est. Huc tanta dicitur aduehi mercium co-
pia, ut nulla in toto oriente ciuitas cum hac comparari possit.

SABLESTAN.

*Candaha
ra.*

Candahara, hic magna negociatio orientalium rerum,
concurrentibus huc non ex India tantum, sed etiam ex
Cataio mercatoribus. Hanc dicitur Rex Balassiae dedisse
Sophi propter subsidium, quod ab eo acceperat contra
Tartaros Magoros.

BALASSIAE REGNUM.

Balassan,

Balassan, metropolis regionis, ciuitas quàm maxima ad ripam fluuii Geicon. *Balassan.*

Senergian, vicina Balassan ad ripam eiusdem fluuii. *Senergia.*

Bocan; hic residet Balassix Rex, quam ideò Mauri hodiè vocant Regem Bocan: Ciuitas est insignis. In hac ciuitate propter altitudinem Belori mōris hyberno tempore tam ingens est frigus, vt illud etiam insignibus ignibus adhibitis ferre vix queant exteri. Hic magna copia argenti & azuri perfectissimi. Ideoq; non deest infinita quasi mercatorum copia. **GVZARÆ REGNVM.** *Bocan.*

Diul, ad ostium fluminis Indi situm. *Diul.*

Diu, ciuitas magnæ negociationis, cùm merces huius regni hinc deferantur in Zophalam & Malaccam. Significantem insulam, quod nomen impositum fuit propter arcem ibi constructam, quam Lusitani post multas victorias contra Sultanum Cain, Regem Cambaix & Turcam obtentas, fecerunt inexpugnabilem. Ideoque ibi ingens est Lusitanorum præsidium. *Diu.*

Cambai, ciuitas valdè illustris, tam magnitudine sua quàm mercatorum vndiq; ex oriente huc venientium copia. Sita est ciuitas paululum intra terram, delicatissima totius orientis. Hinc infiniti mercatores negociantur per totū orientem. Valent arte calculandi, à quibus & occidentales omnes & Arabes caractares acceperunt numerorum. Hic magna visitur drogarum aromatumq; vis. *Cambai.*

Daman, hic Rex Lusitaniæ aliam habet arcē fortissimā. *Daman.*

Tana, ciuitas antea valdè diues; Lusitanis hodiè paret. *Tana.*

Bazaim, Lusitanis subest, vnde Regi ingens lucrium. *Bazaim.*

Ardauat, antea tantæ authoritatis, vt ibi resideret Rex. *Ardauat.*

Serchia.

Serchia, antè dicta *Nisa*, extructa à *Baccho* supra montem *Meron*.

Guzzarat.

Guzzarat, antè tantæ authoritatis, vt ab ea denominationem ceperit regnum.

Amadabar.

Amadabar, cincta maximis desertis. Huc defertur magna copia radicis ab iis vocata *Puco*, quæ est *Costus* verus, quam *Lusitani* iam in *Europam* vexerunt, antè perditam. Est vna ex maximis *Indiæ* orientalis valdè delicata *Mahumetana*, cum magna tamen licentia, ita vt mulieres quæ albæ ibi sint, conuersentur cum exteris.

Cāpanaël.

Cāpanaël, ciuitas fortissima, & ex præcipuis huius regni. Hic cōtinuò eius princeps residet tum propter regionis fertilitatem, tum ob aëris temperiem, aquarumque amœnitatem. Hic princeps adeò est potens, vt sæpè prælio terrestri contra Regem *Mandò* produxerit triginta millia equitum ferreis albis vestimētis, omnes aliis prætereà bōbardis & muschetis instructos & supra elephantes constitutos: Prætereà & classem mari habuerit contra *Lusitanos*. Coactus tamen elapsis temporibus fuit *Badur* princeps propter *Resbutos* populos cōtinuò eum infestantes, atq; etiam *Ayaman* Regem *Tartarorum* *Magorum* sese facere tributarium *Lusitanis*, iisq; cedere partē aliquam maritimam. Huic Principi seruit magna *Eunuchorum* & *mancipiorum* caterua, qui etiam sæpè ad dignitates ascendunt.

REGNUM DECAN.

Vltabat.

Vltabat, ciuitas ad quam magna concurrat mercatorum multitudo ob copiam telæ.

Caul.

Caul, ciuitas nobilis, sub Rege *Lusitaniæ*, ante paucos

annos

annos obsessa fuit ab Izzamalucco, sed frustra, restitit namque fortiter.

Dabul, ciuitas magnæ negociationis, Lusitanis tributaria.

Dabul.

Goa, ciuitas in medio insulæ eiusdem nominis continenti vicinæ in parte Indiæ temperatissima, clauis est huius orientis. Hæc negociatione superat omnes ciuitates orientales, cum ad eam deferantur nauibus Lusitanorum merces omnes totius Europæ, atque etiam insularum Malucarum, atque etiam omnium ciuitatum maritimarum totius orientis. Subest Regi Lusitaniæ, præestq; ei Vicerex, nomine Regis Lusitaniæ, qui maiori pompâ, imò Maiestate utitur, quàm Rex ipse Lusitaniæ, idq; ob populos Orientales, qui iudicant hominem ex intrinseco tantummodo. Ciuitas est magna, fortis, optimeq; ædificata. Archiepiscopatus hic est, cui subiecti sunt reliqui omnes prælati huius Orientis. Hic apud patres Societatis Iesu floret studium linguarum & scientiarum. Appellunt autem eò naues ex Arabia & Persia onustæ equis, præterea ex India onustæ rebus Orientalibus, quin imò & ex Maluccis & China. Hic quoq; quiescere solet classis Lusitanorum non rarò ad ducenta vela. Paucis annis elapsis obsessa est ab Idalcan Principe Mahometano, sed strenuè defensa à Don Ludouico Taide.

Goa.

Visapora; hic residet Idalcan vnus ex potentissimis huius regni Dominis.

Visapora.

Danager, ciuitas pulcherrima huius regionis, hic propter regionis hortorumq; arboribus exteris consitorum amœnitatē residet Isamalucco Princeps, qui solus ex In-

Danager.

dicis amplectitur Sectam Sophianã, vnde dignitatis causa vtitur titulo Seia, quem Sophi ei misit.

Lispor.

Lispor, celebris ob copiam adamantum, quæ ibi ex aliquibus mineris eruuntur.

Bider.

Bider, ciuitas principalis, vbi residet Rex quidam.

CANAKA REGNUM.

Onor.

Onor, ciuitas Lusitanis subiecta, vnde singulis annis naues risum vehunt.

Batacala.

Batacala, ciuitas magnæ negociationis, tributaria Lusitanorum, & hinc quoque magna defertur risi & aliarum mercium quantitas per diuersas Indiæ partes.

Gerzopan

Gerzopan, principem habet Regi Narsingiæ subiectum.

MALAVAR.

Canor.

Canor, ciuitas magni momenti, proprium habet principem; sed Lusitaniæ Regi subiectum.

Calacut.

Calacut, ciuitas primaria, maximæ negociationis, huius princeps vocatur Samorin, quod lingua Malauarica significat Imperatorem, cum sit maximus Princeps Malauariæ. Hæc ciuitas, cum antea esset maxima, valdeq; illustris, hodiè non parum defecit, quod ei accidisse putatur, quòd in principio cum Christianis malè se gesserit.

Chale.

Chale; hic Rex Lusitaniæ castrum extruxit munitissimum, quod potentiam Calecutensis principis non parum deprimit.

Tauor.

Tauor, Principem habet proprium, iam Christianum factum, obedientemque Ecclesiæ catholicæ Romanæ.

Coccin.

Coccin, hodiè vna ex celeberrimis Indiæ, velut antea fuit Calecut. Hic onerantur naues aromatibus in Malauaria crescentibus, quæ Lusitani accipiunt pretio ante longa

tem po

tempora præscripto à Principibus Malauariæ, vti Rege Canonor, Calecuti, Coccin, Colan & Seilan.

Colan, principem habet proprium, vbi Lusitani etiam habent arcem munitissimam.

Colan.

INSVLA SEILAN, siue SANDIL.

Seilan, metropolis insulæ, celebris ob piscationē. Hæc à paucis annis venit in potestatem Lusitanorum.

Seilan.

Columbus, ciuitas insignis; cum optimo portu, hic antea adorarunt dentem cuiusdam Pagodi, hoc est, Dei illorum; quem iis abstulerunt Lusitani, & pulueris arunt; Hic Rex Lusitaniæ habet arcem munitam. Habitatque totius insulæ Princeps maximus, qui in hac insula sex alios habet Reges tributarios.

Colūbus.

Bembar, hic hodie prædicatur Euangelium à Iesuitis.

Bembar.

Maleapar, à Lusitanis *S. Thomas* dicta ciuitas. Hic visitantur reliquiae *S. Thomæ*, protectoris Indiæ. Hic à Lusitanis renouata est hæc ciuitas, & ornata pulcherrimis palatiis ad formam Lusitanicam. In templo *D. Thomæ* ante paucos annos, cum sacellum extruere vellent, reperta est crux, quæ singulis annis octo diebus ante festum Natiuitatis Christi sudat continuò, imò quandoq; sudor in guttas sanguinis conuertitur. In templo aliquæ erant literæ, quæ cum amplius in vsu non essent, à solis antiquitatis studiosis vnà cū lingua ipsa exoleta intelligi possunt. Significabant autem Thomam à filio Dei eò missum ad gentem conuertendam, dum celebraret tranfixum esse.

Maleapar

Bisnaga,

Bisnaga.

Bisnaga, metropolis Regni ad ripam fluvii Nagundii, olim dicta Regia Pandionis, quatuor milliaria continet in circuitu, ornata optimis templis. Hic magna copia gemmarum, quæ ex vicinis locis eruuntur. Plurima quoq; aromata medicamentaq; aliunde aduehuntur. Plurimi mercatores hic, plurima etiam scorta nobilia, quorum aliqua belli tempore soluunt 5000. alia 6000. militum. Princeps huius regionis vocatur Racho, id est, Dominus, habetque alios sub se Reges vasallos. Putaturq; hic Rex habere in singulos dies ultra duodecim millia Pardia, hoc est, Ducatorum.

ORISTAN REGNUM.

Vlna.

Vlna, ad magnum quendam lacum; hic cum magna religione, quotannis celebratur festum D. Thomæ, cõcurrentibus vndique multis Christianorũ harum regionum.

Orissan.

Orissan, metropolis atq; emporium. Hic sedes est plurimorum Christianorum, cum templo in signi D. Thomæ.

Ramana.

Ramana, ciuitas insignis; huc plurimi concurrunt mercatores ob ebur & gemmas.

MANDO REGNUM.

Mando.

Mando siue *Mandon*, ciuitas regni metropolis, Regem habet proprium.

Moltan.

Moltan, ciuitas insignis: Hic mulieres sunt bellatrices, equitantque calcaribus instructæ.

DELLI REGNUM.

Delli.

Delli, metropolis magna & populosa; hic residet Imperator Mogororum, cui hodiè propter potentiam obediunt omnes Reges Mahumetani Indiæ Orientalis.

Fatapur.

Fatapur, ciuitas celebris, in qua aliquando residet

Rex

Rex Magororum. Huc antè paucos annos ingressi sunt Ie-
suitarum cum magno successu religionis.

Tremel, est quasi sanctuarium horum gentilium, id-
eoque thesaurus hic maior seruetur quàm in vlla alia par-
te huius orientis. *Tremel.*

Pale, metropolis suæ regionis. *Pale.*

Agora, ciuitas magni negocii, cum sit inuia, per quam
ex India iter fit in Cataium. *Agora.*

Chesmur, hic plurimi student Magiæ; quia maxima
pars incolarum est Gentilis. *Chesmur.*

REGNUM COSPETIR.

Cospetir, ciuitas insignis, Metropolis. *Cospetir.*

SANGA REGNUM.

Chitor, metropolis Regni Sanga, ciuitas ampla, pro-
prium habet Regem. *Chitor.*

Polimbothea, ciuitas maxima, hanc Ganges facit in su-
lam, antiquitus portas habuit ferreas, hodiè munita est,
nec in eam patet ingressus, nisi per duodecim arcus mira-
bili artificio constructos; hic studia antiquæ illorum Linguae
vigent, in quam tum Platonem tum alios Græcos habent
conuersos. *Polim-
bothea.*

Scernum, in magno fluuio eiusdem nominis, cum do-
mibus ex ligno supra aquam constructis. *Scernum.*

BENGALA REGNUM.

Catigan, ciuitas ad mare in faucibus Gangis sita. *Catigan.*

Satigan, ad alias fauces Gangis sita, ciuitas magnæ ne-
gociationis. *Satigan.*

Bengala, ciuitas magna, vnde nomen sumpsit sinus
quidam maris. Vna est ex præstantissimis Indiae, diues ma-
Bengala.

gnæq; negociationis. Hic omnes eas delicias reperire est, quas vel optimæ ciuitates Europæ possident. Pannus hic optimi generis conficitur optimus, optimæ cōfectiones fructuum perfectissimorum omnis generis, quibus abundat hæc regio.

Ouros.

Ouros, ad ripam Gangis fluiui ad lacum ingentem ciuitas illustris, ornata pulcherrimis & sumptuosissimis palatiis, culta tam à Mauris, quàm variarum aliarū regionū gentibus. Regis palatium maius est quam Euora in Lusitania, totum ornatum figuris aureis, argenteisq; figuris secundum consuetudinem potius Gentilium, quam Mahumetanorum. Rex autem tam potens est, vt per totam Indiam hanc dici soleat, Regem Cambaiæ esse vnum, Regem Narsingæ duo, Regem Bengalæ tria.

Marazia.

Marazia, ad ripam Gangis, hic magna negociatio ligni Aloës, auri, argentiq; quæ à Cinenibus eò deferuntur.

ARACHAN REGNUM.

Arachan.

Arachan, hic arx est inexpugnabilis, quam frustra dicitur obsedisse Rex Barniæ exercitu plurium quàm trecētorum millium hominum pugnantium, & quadraginta milibus elephantorum.

Aua.

Aua, hic magna negociatio gemmarum atque etiam musci, quem eò deferunt in corio eiusdem animalis, populi quidam ex montibus langoma. Iuuenes huius ciuitatis ad partes genitales solent gestare nolas quasdam aureas vel argenteas, quæ incessus tempore excitare solent concentum quendam, vtpote lasciuis valdè gratum.

PEGV REGNUM.

Sauolas.

Sauolas, ciuitas sita ad sinum eiusdem nominis, antea

voca-

vocatum Subaticum. Martrapan, ciuitas insignis, ad fauces fluuii eiusdem nominis. Hic plurima conficiuntur vasa, porcellana dicta, licet non adeò perfecta atq; depicta, veluti ea, quæ ex China deferuntur.

Tagala, ciuitas huius tractus non spernenda.

Tauai, ciuitas illustris, loco etiam maritimo sita.

Pegu, hic est sedes Regni, magna hic negociatio rubinorum aliarumq; gemmarum, sita est ad ripam fluuii Pegu, ædes habet ex cannis miro artificio cõstructis. Hic Regium palatium est, quod omnia palatia totius orbis pulchritudine superare dicitur, extructum recenter à Rege Barmæ, in quo insculpta & depicta cernere licet omnia præclare gesta Regum Orientalium, adiunctis variis animalibus terrestribus, auibus, arboribusque, tam extraneis quàm familiaribus ad viuum depictis.

Degun, hic Pegunorum Varella (ita templa sua vocant) adeò alta est, vt ex ea ad modum pyramidum Ægyptiarum tota regio cerni possit.

SIAM, aliis SORNAVM REGNVM.

Tenazarim, ciuitas magnæ negociationis. Non omit- tenda hoc loco videtur huius ciuitatis consuetudo. Dum enim vir quispiã moritur, vxor eius ornata gemmis, odoribusque suauissimis ad rogam ex aromatibus constructũ, læta, tripudians occurrit, ibiq; vnà cum cadauere comburitur. Hinc in morte principum & magnatũ plures quàm decem aliquando sese in rogam induunt, certantes pro primatu. Vincit autem ea, quæ magis à marito dilecta fuit, ideòq; & illa prima rogam ingreditur.

Tagala.

Tauai.

Pegu.

Degun.

*Tenaza-
rim.*

Malacca.

Malacca, caput sui tractus eiusdem nominis, plurimas circumcirca habet insulas, fitq; eò concursus mercatorum ex variis partibus. Incolæ Mauri cùm per fraudem citraq; omnem rationem iniuriam fecissent Lopeſio di Secheira Luſitano, Alſonſus Alborehecche eam à Mauris vi cepit, atq; in poteſtatem Regis Luſitaniæ redegit. Hic degit iam Epiſcopus, cuditar moneta aurea & argentea, cuius antea ibi nullus erat uſus, niſi ſtanneæ magni ponderis, pauciq; valoris.

Cingapura.

Cingapura, ante paucos annos valdè celebris, cùm negociationem eandem haberet quàm Malacca.

Pan.

Pan, à Luſitanis vaſtata eſt.

Patan.

Patan, hic negociantur Cinnenſes & Lequii magnam vim auri adferentes.

Lugor.

Lugor, hîc reſidet quidam Vicerex.

Bamblacot.

Bamblacot, ad fauces fluuii Sian.

Capetit.

Capetit, ciuitas inſignis, hic alius reſidet Vicerex.

Sian.

Sian, ciuitas ad fluuium Menam ſita, ab hac denominationem ſumit hoc Regnum.

Odia.

Odia, ad ripam eiusdem fluuii Menan; ciuitas valdè magna, quæ aliquando abegit quinquaginta millia militum optimorum. Hic copiamagna ſerici & auri quæ eò deferuntur à Cinenſibus & Lequiiſ. Antea fuit Regia Regis Sian; poſtea paſſa eſt plurima à Rege Barmæ.

CAMBOIA REGNUM.

Camboia.

Camboia, ciuitas magna, à mercatoribus valdè habitata ob copiam auri, argenti & ligni aloes.

Paida.

Paida, ciuitas magna & populofa.

CAMPA-

CAMPA REGNUM.

Campa, ciuitas, in qua magna est negociatio auri.

Campa.

COCINCINA REGNUM.

Cocincina, ad mare, loco valdè periculoso sita, à mercatoribus tamen frequentata cum magna sæpè nauium iactura. Sed maius ex hac ciuitate lucrum vnius nauis, quam sex ad Cinenses proficiscentium.

Cocincina.

Cacum, ciuitas principalis huius tractus.

Cacum.

MEDITERRANEA INDIÆ ULTERIORIS PARS.

Cirote, ad cornu orientale fluuii Gangis, hic omnes pueros, quos bello deuicerunt, faciunt Eunuchos, venduntque eos Mahumetanis.

Cirote.

Chiantai, ab hac ciuitate nomen sumit lacus maximus Indiæ.

Chiantai.

Macini, huius princeps, licet potentissimus subiugatus est à Rege Barma. Huc defertur magna Aloës copia, cuius idè quoque mercatus viget.

Macini.

Diras, ciuitas ex maximis Regni; hic Lasuli perfectissimi magna copia.

Diras.

Mien, caput sui status; hic videtur sepulchrum Regis à relicta vidua constructum, quod ob magnitudinem excellentiamque à Tartaris omnia alioqui vastare solitis, intactum relictum est.

Mien.

Bocan, principem habet proprium Mahumetanum.

Bocan.

Barma; potentissimus Rex Indiæ vltioris hanc possidet, qui etiam sibi subiecit Regnum Pegu, sæpèque bellum mouet Regibus Siam & Bengalæ. Hic ex certis herbis pilei

Barma.

conficiuntur subtilissimi, superantes longè eos, qui ex Ierico apud nos fiunt.

Iagoma.

Iagoma, propè hanc ciuitatem magna emitur gemmarum & musci copia.

CANTA, REGIO CHINA.

Nantum.

Nantum, ad ripam fluiui Canta.

Canton.

Canton, à Louio dicta Canta, ciuitas non minor Vliffipona, adeò concinne fabricata, vt nulli cedat ciuitati Europæ, tantæq; negociationis, vt nō rarò ibi videre liceat simul quingētas naues onerarias ingētes exterorū, vt Lequiorū, Iaponū, Luzonū & Indorū. Hic optimi cōficiūtur gladii, magnaq; copia & mercatura est æris, aluminis, cinnamomi, serici, musci, rhabarbari, margaritarum & argēti.

Siguimatium.

Siguimatium, hic plurimi degunt mercatores, tum Iapones tum Indi.

FUCHIEN REGIO CHINÆ.

Cinceum.

Cinceum; huc singulis annis Lusitani ex India venientes factoriam habent, quam Rex huius regionis concessit.

Fuchien.

Fuchien, ciuitas mediterraneo loco sita, metropolis regionis, optimis plateis & ædificiis ornata, ad fluiuium nauigabilem extructa; atq; eodē ferè circumdata; hoc fluiuo aduehuntur merces quam plurimæ aromaticæ, salis, &c.

COCHEAN REGIO CHINÆ.

Cochean.

Cochean, metropolis huius regionis, sita ad fauces fluiui Caramarani: Ciuitas à Lusitanis vocatur *Liampo*, celebris ob mercaturam serici & porcellanæ.

Chelim.

Chelim, ciuitas magnifica & illustris apud hanc gentē.

NAN CHIN REGIO CHINÆ.

Nanchin.

Nanchin, ciuitas maxima, in qua propter amœ-

nitatem

nitatem sæpè residet Chinæ Rex.

ZAITON REGIO CHINÆ.

Zaiton, metropolis regionis, magnæ negociationis. Etenim ad eam concurrunt infinitæ naues ex India & Caraiio, quæ hîc sese onerant porcellana, serico & saccharo hoc tempore expurgato.

Zaiton.

QVINSIA REGIO CHINÆ.

Vnguen, hîc conficitur magna copia Sacchari ex canis, quæ ibi mira vbertate proueniunt plantatæ.

Vnguen.

Quinsai, ciuitas maxima Orientis, imò totius vniuersi, circuitum habet C. milliarium. Hæc principi suo causâ mercium, salis potissimum & aromatum, maius reddit vectigal, quàm Regibus Persarum olim pendebat Babylo-
nia. Sita est in aqua, veluti Venetiæ, vicina faucibus fluuii, supra quem ad miraculum vsq; cõstructi sunt pōtes quàm plurimi. Ciuitas sanè amœnissima. Vnde etiam à Chinen-
sibus nomen habet *Quinsai*, quod eorum lingua significat ciuitatem cœli. Nihil est quod ad voluptatem faciens, ibi desideretur, copia ibi auiũ, piscium. Venatus piscium ibi mirus cum coruis domesticis. Hîc sæpè residet Princeps Chinarum, qui est potentissimus totius Orientis: tam di-
ues, vt solum regnum Canta, quod minimum est, singulis annis ei pendat vltra sexcenta millia librarum argenti, præter decimam serici, quæ excedit omnẽ serici quanti-
tatẽ, quæ in tota colligitur Europa, & vectigal salis, ex-
cens quotannis auri summas quinq;. Expendit (referente Andrea Teuet) aliquando in vno bello contra Reges Mo-
in, Tipora, & Barma vnitos, spatio quatuor mensium vl-
tra viginti milliones auri.

Quinsai.

Cheiuam,

Cheiuan.

Cheiuan, hinc nomen desumit sinus maximus Asiae. Hic Chineses plurimum habent militem contra Tartaros.

Gengium.

Gengium, ciuitas populosa; Hic cum magna diligentia incumbitur Medicinæ studio.

Pagin.

Pagin, vna ex maximis ciuitatibus huius tractus.

Sansi.

Sansi, hic referentibus Chinesibus, ante paucos annos maximum fuit diluuium, decidentibus etiam è cælo trabibus igneis.

SAMATRA INSVLA INDIÆ.

Dacen.

Dacen, hic incolæ modum belli gerendi à Turcis didicere, qui huic populo eõtra Lusitanos succurrere solent. Non desistunt tamen ideò Lusitani, atq; id cum insignibus victoriis, inter quas admirabilis fuit ea, quam ante paucos annos habuit Men Lopes duodecim nauibus instructus, quibus prostravit plures quàm centum triremes, aliasque naues remis agitatas.

Pazzen.

Pazzen, huc confluunt varii mercatores Chineses & Arabes ad coëmenda aromata.

Barro.

Barro, ciuitas mediterranea, auri ditissima.

Andragida.

Andragida, hic multi sunt Anthropophagi.

IAVA INSVLA INDIÆ.

Paliban.

Paliban, antea valde diues, cum huc appellerent omnes naues, que ex India & China proficisci solebant Singapuram: cum autem iter illud relictum esset, propter negotiatione Malaccensem, à Mauris iterum hæc ciuitas renouata, in eum finem, vt transitus non amplius fieret per Malaccam, quæ fuit antea eorum colonia.

Agacin, celebris ciuitas, ob mercatorum ex variis locis aduenientium copiam.

Agacin.

Temir, ciuitas Regia cum gente Mahumetana.

Temir.

Magapeger, loco mediterraneo sita ciuitas, Metropolis, amœna valdè, ideoq; hîc degit Rex potētissimus totius Iauæ insulæ.

Megapeger.

Pirech } ciuitates illustres, singulę proprium habent

Pirech.

Bendā } Principem sectæ Mahumetanæ.

Bendan.

MACCAZAR INSVLA.

Senderem, ciuitas ad magnum lacum sita, valdè populosa, magnæ negociationis, ob copiam, quæ eò aduehitur, auri & laccæ. Huius princeps instar Imperatoris cuiusdā honoratur, multosq; Principes habet subiectos.

Senderem

Supana, ciuitas principalis cum proprio Principe.

Supana.

MALVCCÆ INSVLÆ.

Terenate, metropolis insulæ, hic residet Gubernator ex parte Regis Lusitaniæ. Habentque hic Iesuitæ collegium, quod sumptibus Lusitani Regis sustentatur.

Terenate.

MAVRVS INSVLA.

Tolon; hic prædicatur hodiè à Iesuitis Euangelium.

Tolon

BORNEI INSVLA.

Bornei; metropolis insulæ, magna parte ad vndas sita, ædes ex ligno affabrè paratas habet. Hic residet Rex splendè vitam agens.

Bornei.

Laum, Regem habet proprium, sed idololatrium.

Laum.

BVTVAN.

Magdandum, ciuitas valdè celebris: hic residet Iesuitæ.

Magdādū

LEQVIORVM INSVLA.

Cinche.

Cinche, ciuitas maritima, magnæ negociationis.

IAPAN INSVLA.

Congossima.

Congossima, ad mare sita ciuitas; hic Franciscus Xauier Nauarrus Societatis Iesu prædicauit Euangelium.

Ossacaia.

Ossacaia, ciuitas totius Insulæ maximè illustris, & totius oriētis ditissima: hic plures mille sunt mercatores, quorum singuli ad minimum habent triginta millia aureorū, aliorū verò bona excrefcunt ad summam incredibilem. Ciuitas libera est, & inexpugnabilis; habebat tamē præsidium trium millium militum, sed extra ciuitatem more Tartarorum Orientalium, qui militibus in ciuitates non dant ingressum, nisi ad necessitatem eorum.

Amangucci.

Amangucci, ciuitas magna, sed ædificia sunt cōstructa ex lignis, sicuti magna ex parte reliquæ ædes huius Insulæ.

Bungum.

Bungum, metropolis Regni, ciuitas maxima, optimum habet portum maris; hic infinitus est Christianorum numerus, prædicaturq; Euangelium. Seminarium hic est, in quo Europei addiscunt linguam Iaponicam, & contralapones linguam Lusitanicam, & aliqui etiam Latinam.Fianoia-
ma.*Fianoia*, hic Bonsiorum (hoc sacerdotum gentili-um) generalis. Lacum habet valde piscibus refertum & magnum. Hortos quoque ad lacum plurimos reficiendi animi gratia constructos.

Meacum.

Meacum, ciuitas totius insulæ maxima, licet hodiè non tanta, quanta antea, cum circulum habent, viginti & vnus milliarius, cum hodie defecerint tertia parte ob bella, quæ Iapones inter sese habuerunt, est tamen & hodiè

valdè

valdè habitata, sedemque hîc habet summus magistratus Iaponiæ, qui tribus constituitur viris: Quorum primus est Zazo, qui repræsentat nostrum Pontificem, caputque est religionis: Alter est Voo, qui præest causis honoris, titulorum, & dignitatum. Tertius est Cubacama, hic pacem debet custodire inter principes Iaponiæ, quorum quatuordecim principes sunt monetam cudentes. Paucis annis elapsis in fauorem Christianorum occiderunt Meacenses suum Mubacama.

Nara; hic vnus est Pagode (idolum Indicum) ex metallo, magnitudine excedens Colossum Rhodi: est quoque magna quantitas ceruorum domesticorum quos adorant. Lacum prætereà habet refertum piscibus quos alunt oriza.

Nara.

Coia, hanc ciuitatem ita venerantur incolæ, vt omnes Principes soleant testamento suo sepulturam, si non totius corporis, saltem dentis vnus ibi destinare. Hîc templum est ingens Bonsio vni nomine Combodassi sacrum, cui seruiunt tot Bonsii, vt vel magnum castellum eos vix caperet. Fuit autem Combodassi inuentor literarum, quibus communiter vtuntur, quem incolæ adhuc viuum existimant. Ingressus namque viuus cum esset sepulchrum suum, non fuit postea inuentus.

Coia.

Cauaci, hæc apud populos Tosonos est metropolis.

Cauaci.

Bandum; Hîc floret studium Bensiorum, quod dicitur esse maius vniuersitate Parisiensi, concurrentibus eò quasi omnibus Iaponibus gradus illius acquirendi gratiâ, quæ valdè ambiunt, tum honoris ergo; honorantur namque Bonsii, tum verò redituum, quibus fruuntur, in quam plurimis monasteriis & commendis, quæ Idolis dedicata sunt.

Bandum.

Aquila.

Aquila, ciuitas celebris ob negociationem exterorum, licet satis sit frigida, cum sit in parte septentrionalissima insulae.

FIRAND INSVLA VICINA
IAPONIAE.

Firand.

Firand, metropolis Insulae, quae & nomen insulae dedit.

TARTARIA MINOR.

Cafa.

Cafa, colonia est Genuensium: in hac ciuitate multa adhuc Monachorum integra sunt monasteria. Viget hic mercatura piscium, cerae, mellis & corii. *S. Clementis templum*, ab Angelis extructum ante multos annos, in mediis fluctibus, ad hoc templum singulis annis patebat ingressus in festo eius, ita ut siccis pedibus ingredi liceret: Honoratur à vicinis propter varia miracula, imago quaedam B. Virginis, etiam à Turcis & Tartaris volentibus continuo illam ardere candelam: idque factum dicitur opera Mahometi Cerei Tartari, qui cum votum fecisset B. Virgini, elapsus est è medio inimicorum eum occidere volentium.

S. Clementis templum.

Azon.

Azon, aliter dicitur Tana, ad Tanais fluminis ostium; primum fuit sub Venetis; hodie sub Turcis: Verum valde à Moschouitis infestatur: qui eò nauigant secundo fluuio.

TARTARIA ZAGATAIA.

Schaisara

Schaisara, ciuitas magnae negociationis.

Bochara.

Bochara. Huc concurrunt mercatores quam plurimi ex India & Cataio. Hic residet proprius Cham ex iis, qui à pileo viridi nomen desumunt.

Maracanda.

Maracanda, à Persis Samaracanda, sita ad ripam fluminis

Amo,

Amo, metropolis est Mautinacherorum, licet non eius splendoris & quantitatis, cuius olim, quando imperiū eius dilatebatur vīq; ad Persiam. Hodiē hic residet vnus Cham ex Tartaris Mosolimannis: ostenditurq; sepulchrum Tamorlani in Moschea quadam. Hic videre est miraculum quoddam in templo S. Ioannis Baptistæ. Etenim columna quædam, quæ antea sustinuit tectum templi, eleuata cernitur à terra tribus palmis, idque inde accidit, quod Saraceni volentes templum destruere, lapidem, qui basis loco fingebatur, abstulerint. Huc mercaturæ gratia plurimi ex Cataio adueniunt. Prætereà & hac transit Carouana, quæ ex Persia.

TVRCHESTAN REGNV M TAR-

TARIÆ.

Ocerra, ciuitas magnæ negociationis, metropolis.

Ocerra.

Calba, ad ostium fluuii Tachosca. Ex hac ciuitate dicuntur originem trahere Turci.

Calba.

Pein; hic consuetudo talis est, si maritus absit diebus XX. licere mulieribus nubere alteri ad placitum.

Pein.

Bach, ciuitas Tartarū pilei viridis, estq; magni negocii.

Bach.

Cotan, huc adfertur ex Cataio tanta musci copia, vt admirationē excitet, qui fieri possit, vt tāta colligatur copia.

Cotan.

TANGVTH REGNV M TAR-

TARIÆ.

Chinchitalas. Hic conficiūtur specula optima, gladiique optimæ aciei, & quoddam telæ genus, quod purgatur, dū in ignem conicitur.

Chinchitalas.

Succuir ciuitas, circa quam colligitur copia Rhabarbari tanta, vt mercatoribus venientibus ex Tauris, Siras &

Succuir.

Cairo integram summam vendant duobus Saggis auri qui valent circiter tres coronatos aureos.

Coras.

Coras, ad montem Altai: Hic sepeliuntur omnes Imperatores Tartari.

Caracorā.

Caracorā, ciuitas magna, caput regionis cuiusdam. Hic conuenerunt Tartari vocati à Cingi, vt crearent eū illorum Cham, contra Moir Prestigianum.

Taigin.

Taigin: Hic Cingis mortuus est à balena percussus.

Campion.

Campion, ciuitas principalis, Hucusq; mercatoribus conceditur profectio per Carnanam singulis annis, qui & inde redeunt diuites onusti Rhabarbaro, Mulcho, Chai-catai, & Cina, quam eò deferunt Chineses. Hic viget ars Typographica, studiumq; Chymia.

Singui.

Singui, antea Issedon Schitica; hic magna est copia boum quorundam elephantis æqualium.

Egrigaia.

Egrigaia; Hic excellentissimi conficiuntur panni ex pilo chamelino atque etiam ex lana.

Erginul.

Erginul, hic magna musci copia colligitur, eiusq; perfectissimi, ob spicæ nardi, qua animalia, ex quibus conficitur muscus, aluntur, copiam.

Galatia.

Galatia, ciuitas ferè tota à Nestorianis habitata.

CATAIVM, olim SERICA.

Lognon.

Lognon; hic cōficiuntur excellentissima arma omnis generis, potissimùm verò gladii: Hucq; singulis annis appellit Carnana tam ex vna quàm altera India.

Caraiā.

Caraiā, sita ad lacum salsum refertum ostreis; Hic mulieres ornatus ergo dentes deaurant, atque non ipsæ, sed eorum mariti post partum XL. diebus continuis lecto decumbunt. Tanta hic auri copia, vt propter illud per-

mutent

mutent cum argento, quod aliunde per mercatores aduehitur.

Vncian, ciuitas vna principalis.

Vncian.

Caindum, caput sui districtus, ciuitas satis à mercatoribus frequentata, propter copiam velorum certi generis, quæ ibi conficiunt subtiliora quàm sericea, ex corticibus quarundam arborum.

Caindum

IaZi, ciuitas magna, mercatura celebris.

IaZi.

Tebeth, metropolis suæ regionis; ad quam licet periculosus accessus sit, ob varias feras: non tamen suis caret mercatoribus ob infinitam ferè quantitatem Coralli, quo hic vtuntur monetæ loco, atque ob muscum, cuius ibi est maxima abundantia, cum animalia ibi enutriantur, ex quibus muscus conficitur, quasi per greges vescantur spicæ nardi, cuius ibi magna copia.

Tebeth.

CATAIUM VERVM.

Cacianfum, hic inter cætera aromata crescit radix vocata Chiacatai, utilis stomacho, & Podagræ.

*Cacian-
fum.*

Panconia, celebris ob varia cõmercia, concurrentibus eò mercatoribus etiam ex India. Hic venatus causa nõ raro agit magnus Cham: cum ibi inter reliquas feras vna inueniatur nomine Marincusach, vultu puellam referens, reliquo corpore leonẽ, exceptâ caudâ, quæ est Scorpionis.

Panconia.

Vgunè, caput est sui districtus, hic mulieres reperiuntur pulcherrimæ.

Vgunè.

Sindicin, hic optima arma conficiuntur, quibus ex mandato Magni Cham instructæ sunt omnes munitio- nes: idque, quia sæpè contingit aliquos ex eius cognatis rebellare.

Sindicin.

Tenducho;

- Tenducho*; Hic, antequam à Tartaris caperetur, sedes erat Prestigiani; alterius ab eo, qui est Abassia.
- Sianganor*; Hic venationis gratiâ Princeps eorum duobus mensibus quotannis solet residere.
- Saind*; hæc quoq; ciuitas est venatui accommoda.
- Gonza*; Hic à paucis annis inceperunt colere vineas, quod in aliis partibus Cataii non fit.
- Cambalū* *Cambalum*, quod secundum quosdam est antiquorum Issedon Serica: maxima ciuitas, circuitum habens maiorem viginti miliaribus, sita ad ripam fluminis Polifangi, optime munita, mercatoribus referta, existens in centro Cataii. Affirmatur certò nullū esse diem, quo præter cæteras merces eò non deferantur mille currus serico onusti ex China. Metropolis est Cataii. Hic residet Magn^o Chā, maximus Imperator Tartarorum. Pons hic est totius orbis splendidissimus & admirabilis ob suam quantitatem.
- Cazardin* *Cazardin* ad Oceanum, portus est. Prope hanc ciuitatem venatus est excellens, ideoque eo nonnunquam sese transfert eorum princeps.
- Sitingui*, ciuitas principalis suæ regionis.
- Chiang*, ad mare sita, ciuitas magnæ negociationis.
- Ciorza*, ciuitas magni momēti, caput suæ prouinciæ.
- Ron*, metropolis Limoange insulæ. Hic lapides reperiuntur aliqui dicti Garof, qui sistunt sanguinem, ita vt per nullum vulnus effundi possit.

ANIAE REGIO.

- Anian*, ciuitas principalis, Aniaë regionis. Reliquæ verò Aniaë ciuitates ignotæ sunt.

DESCRI-